

hoc institutum nostrum ; cùm circa receptissima quoque dogmata occupentur Academicæ Disputationes quamplurimæ , non ut iis demum imbuantur auditorum Lectorumq; animi , sed ut imbuti dudum confirmentur ; sæpius etiam ideò tantum , ut habeat studiosa juventus , in qua se exerceat , materiam disputandi præ aliis gratam & adamatam ; prout hanc ipsam Respondens noster sibi speciatim elegit , sui adeò voti à nobis facile damnas factus . At enim uti negare nulli possumus ubiq; ferè reperiri hodie Viros cordatos qui non tantum in Aristotele ejusq; interpretibus aut in deamato aliàs Cartesio suo quædam damnent ac rejiciant , ( quamvis non desint etiam , qui ab Aristotele ne latum unguem se discessuros etiamnum profiteantur , neq; qui , aut Aristotelicam Philosophiam , aut nullam veram esse dicant , nulli , eorum autem qui solam Cartesianam admittant , plurimi reperiantur ) sed nonnulla quoq; à recentioribus melius edocta admittant & scriptis suis inferant , Eclecticorum ordini ha-  
etenus non sine laude accensendi : ita dolendum est tamen ( ignoscant liberiùs loquenti candori nostro ) id à multis eorum parciùs seriùsq; justò , nec nisi extremâ necessitate adactis fieri , scilicet cùm adversus solem loqui aut inculcatæ toties veritati manifestissimæ ampliùs resistere pudor est ; & cùm vulgatos quosdam errores Magistrorum in numero habeant , quos cum plurimis fatentur , illos tamen omnes esse ac unos tantorum Virorum nævos , nec alias porrò ulli bi in eorum scriptis repertum iri , plerisq; persuasum esse ; ita quidem ut non sine stomacho inaudiant , si qua nova obseratio aut experimentum recentius ulteriore aliquam emendatae jam satis ipsorum opinione Philosophiae correctionem postulet , non nisi studio innovandi talia tentari queritantes : Ut taceam haut rarò dissimulatum aliquantis per aut occultatum ipsis non advertentibus quidem affe-  
ctum sese prodere tum præcipue , cùm facienda discessio est ,

G

&amp; cùm